

دارالفنون

حقوق افغانی و لیسټر محمدي

حقوق اقتصاديات

ایکي آبه بر نسر اولنور

مندرجات

قسم حقوقی :

- قضا صلاحیتک شخص وموقع اعتباریله تحدیداتی [جمیل]
- فرانسه ده احوال مدنیه ومعاملات و سجالاتی [صدیق سامی]
- فردی حقوق اجتماعی حقوق واستحاله دولت [ادیب]

قسم اقتصادی :

- استقراض ودیون عمومیه [عینی زاده حسن تحسین]

و تائوه قسمی :

- حقوق عائله قانونی لایحه سی واسباب موجه سی
- واجبات قومیسونی ضبطنامه لری
- حقوق مؤسسه سی تاریخی

استانبول — مطبعة عامره

۱۳۴۱ — ۱۳۴۳

« احكام شخصيه دن »

کتاب

حقوق عائله قانونی لایحه سی

باب اول

مناکحات

برنجی فصل

نشانده حقنه در

ماده : ۱

نشانده نامق ، نکاح نامق دکلدر . نشانده اندقدن سوکرا رجوع ایدن طرفی عقد نکاحه اجبار ایچون اقامه دعویاه جواز یوقدر .

نشانده اندقدن سوکرا نکاحدن امتناع حالنده تضمینات اعطا اولنه جفنه دائر اولان شرطکده حکمی یوقدر . شو قدركه طرفیندن بری اسباب مجبره ومقبوله تحتنده اولیه رق عقددن رجوع ایلدیکی ویا کندی قصوریه دیکر طرفک رجوعنه سببیت ویردیکی تقدیرده طرف دیکرک حسن نیتله وازدواج مقصدیه اختیار ایتدیکی مصرفه مقابل ضرر وزیان طلبنه حق واردر .

ماده : ۲

نشانده اندقدن سوکرا طرفیندن بری نکاحدن امتناع ویا وفات ایدرسه خاطبک آلتش برنجی ماده موجبجه ومهر نامیه تعهد ایتدیکی مال ویا مبلغه محسوباً ویرمش اولدیگی شیلر ویا خود آلتش ایکنجی ماده موجبجه طرفیندن برینک دیکرینه معجلاً تسلیم ویا تسویه ایتدیکی مال ویا مبلغ موجودایسه عیناً وتلف اولمش ایسه بدلاً استرداد اولنه بیلیر . اما هدیه اوله رق طرفینک یکدیکره ویردیکی شیلر حقنده هبه احکامی جریان ایدر .

بر ماده لرك اسباب موصیه بایحه سی :

(نکاح) ، انسانلره منسوب اولدقلری جمعیت ایچنده اك چوق واك کلفتلی وظائف تحمیل وتولید ایدن بر عقد اولدینی ایچون بوکا مبادرت ایدمك اولانلرك حریت واختیار تام ایله حرکت ایتیش ونتایج عقده بالاختیار موافقت ایلش بولملری بر امر ضروریدر . مادی وبناء علیه ایراث ایدمكی خسار قابل تلافی اولان عقدلرده (رضا) یی شرط اتخاذا ایدن واضع قانونك مادی ومعنوی احکامی محتوی وبعض تجلیات ونتایجی غیر قابل تلافی وتأثیراتی مادام الحیات باقی بر امر عظیم اولان عقد نکاحده بو رضا واختیارك کالنی تحری ایتمی وذرتما تأثیرات وتهیدیات خارجیه شائبه سی بولندیرمامسی اولویتله مشروط اولمق لازم کلیر . بناء علیه عرف وعادته کوره نکاحه تقدم ایدن وکندیسنده هنوز ابدی بر رفاقته رضا واختیارك علامتی تجلی ایتمیان ومجرد آتیاً عقد نکاح ایتك وعدنی متضمن اولان (نشان) و (نامزدك) کبی بعض مراسمی (نکاح) عد ایتمهك ایجاب ایلدیکی کبی یکدیگریله نشانلانملری عقده اجبار ایچون طرفینه حق دعوی بخش ایتك ویاخودنکاحك عدم اجراسی حالنده تضمینات مقطوعه اعطاسنه متعلق بر شرطی معتبر عد ایتك نکاحك حر وسربست بر صورتده عقدی اساسنه منافی اوله جنی جهتله بوفصاك برنجی ماده سیله طرفینه بویله بر دعوی ویا نامزدلرکیرینی بویله بر شرط ایله تقید حق ویرلمه مشدر . آنحق ابتداءً بویله بر شرط موجود دکل وبلکه طرفیندن بری اجرای عقده وابدیاً تشریک حیاته منتظر ایکن دیگر طرفك هیچ بر سبب معقوله مستند اولیه رق عقددن رجوع ایلمی ویا کندی قصوریه دیگر طرفك رجوعنه سببیت ویرمسی تقدیرنده نشانك بوزولسندن مغدور اولان طرفك حسن نیتله ونکاح ملاحظه سیله اختیارینه مجبور اولدینی مصرفه مقابل ضرر وزیان طلبنه حق اولوب اولامامسی ماده سی اوزون اوزادییه مذاکره ایدلمش وکرچه بدایهً بویله بر ماده نك تدوینی صورت قطعیه ده رد ایدلمه مکله برابر حقوق عائله قانوننه درج ایدلمه مک وحدثه نك حلنی احکام عمومیه موضوعاتندن بکه مک موافق اوله جنی اکثریتله دوشونولمش ایسه ده احکام عمومیه مزده حالاً بویله بر ضرری تلافیه مساعد بر ماده موجود اولدینی کبی واجبات ویا مجله قومیسئونلری طرفندن عمومی ماهیتده بر ماده تدوین ایدلمه بیله قانونیت اکتساب ایتمی زمانه متوقف اولدقدن بشقه حادثه مزه وجه تطبیقی ده محاکمه موجب تردد واشتباه اولمق محتمل بولندیغندن لایحه نك ایکنجی

قراائنده بو حکمک آتی به وظهوراته تعلیق ایدلیه رک شیمیدین تثبیت وتدوینی رأی اکثریت قازانمشدر. برنجی قراائنده بویه بر ماده بی لایحه به درج ایتک طرفداری اولیانلر، متفقاً تدوین اولنان احکامی احتیاجه کافی کورمشدر ونکاحدن امتناع حالنده تضمینات اعطا اولنه جفته دائر نشان صره سنده در میان اولنان شرطک حکمی اولیه جغنی، عقد رضایی تهیدد آلتنه قویماق، تعبیر دیگرله بویه بر شرطی قبول ایدن طرفی تضمینات قورقوسیه چاروناچار عقده مجبور ایتمه مش اولق ملاحظه سیله متفقاً قبول ایتدکن صوکر ا بر طرفک اختیار ایتدیکی مصرفه مقابل نشاندن رجوع ایدن طرفدن تضمینات طلبی حقنی تسلیم ایتک، احتراز اولنان نقطه به تکرار دوشمک دیمک اوله جغنی، باخصوص بعض اخلاق دوشکونلرینک ناموسلی و ثروتلی برعائله به یاناشدقندن و نشانلاندقندن و بروسیه احداث ایدرک دیگر طرفی نشانک فسخنه مجبور ایتدکن صوکر ا مصرف ناهیه بر طاقم تضمینات مطالبه سنه قالدیشمی و بوکی خصوصات ایچون محکمه لره دوشمکدن احتراز ایدن شرفلی عائله لری پاره ایله، ضرر و زیان ایله تهیدد ایلسی مستبعد اولمادیغنی و مع مافیه احکام عمومی مدنی، صورت مطلقه و عمومیه ده بوکی ضرر لری ده تلافی ایتدیره جک ماهیتده بر حکم تدوین ایدره بوکا مستنداً طرفینک کوردکلری ضرری تلافی طریقنه توسل ایتلری ده منع اولنه میه جغنی در میان ایشلر سده وضع قانونده اک مهم نقطه، اجتماعی حادثه لری یاقیندن تعقیب ایدرک استلزام ایتدکلری احکامی تدویندن عبارت اولوب مملکت مزده و عرفزده (نامزدلنک) و یا (نشانلنمق) حادثه سی ایسه ماضی به نسبتله بویوک فرقلر کوسترمک و عاداتا عقد نکاح اثناسنده کوریلن اشکال و مراسم دائره سنده تجلی ایتک باشلامش و اولجه پک بسیط و عاداتا مستور بر شکلده واقع اولان نشانلنمق حرکتی بوکون عائله لری نکاحدن اول یکدیگرینه باغلایان علنی بر رابطه ماهیتنی آلمش اولدیغندن ضمنی اولسه بیه یته بویوک بر قوت ارائه ایتکده اولان بو اجتماعی مقاوله نک احکام مخصوصه تدوینی و قیود و شروط لازمه علاوه سیله طرفینه ضرر و یرمه جک حاله افراغی ضرورتی کورن اکثریت، بوخصوصه برنجی ماده به فقره مخصوصه علاوه سنی موافق بولمشدر. نشانلاندقندن صوکر ا طرفیندن برینک نکاحدن امتناع و یا وفات ایلسی حالنده خاطبک، مجرد عقد نکاح لوازمندن اولان مهردن و یا عقد شرطیه تعهد ایتدیکی مالدن بروجه پیشین و یرمش اولدیقی شیارک اعاده سی ضرورتی مسلم اولدیغندن (۲) نجی ماده بو اساسه توفیقاً تدوین ایدلشد.